

গণপ্রজাতন্ত্রী বাংলাদেশ সরকার  
বিদ্যুৎ, জ্বালানি ও খনিজ সম্পদ মন্ত্রণালয়  
জ্বালানি ও খনিজ সম্পদ বিভাগ  
প্রশাসন-২ অধিশাখা  
[www.emrd.gov.bd](http://www.emrd.gov.bd)

বিষয়: **জ্বালানি ও খনিজ সম্পদ বিভাগের ২০২১-২২ অর্থবছরের বার্ষিক কর্মসম্পাদন চুক্তির সেপ্টেম্বর/২০২১ পর্যন্ত অগ্রগতি পর্যালোচনা সভার কার্যবিবরণী।**

সভাপতি : মোঃ আজিজুল ইসলাম, অতিরিক্ত সচিব (প্রশাসন) ও এপিএ টিম লিডার  
জ্বালানি ও খনিজ সম্পদ বিভাগ  
তারিখ ও সময় : ২৬-১০-২০২১, সকাল-১১.০০ ঘটিকা  
স্থান : অনলাইন ভিডিও সিস্টেম  
উপস্থিতি : রেকর্ডেড

২.০ আলোচনা:

২.১। সভাপতি উপস্থিত সকলকে স্বাগত জানিয়ে সভার কার্যক্রম শুরু করেন। সভাপতির অনুমতিক্রমে এপিএ টিমের সদস্য-সচিব ও উপসচিব (প্রশাসন-২ অধিশাখা) মোছাম্মাৎ ফারহানা রহমান সভার কার্যপত্র উপস্থাপন করেন। সভায় গত ৩১-০৮-২০২১ তারিখে অনুষ্ঠিত এপিএ বাস্তবায়ন অগ্রগতি মনিটরিং সংক্রান্ত এপিএ টিমের পর্যালোচনা সভা এবং জুলাই/২০২১ মাসের এপিএ অগ্রগতি পর্যালোচনা সভার সিদ্ধান্ত উপস্থাপন করা হয়। উক্ত সভার সিদ্ধান্ত বাস্তবায়ন অগ্রগতি বিষয়ে সভায় বিস্তারিত আলোচনা করা হয়। পেট্রোবাংলার প্রতিনিধি জানান যে, লক্ষ্যমাত্রা অনুযায়ী সেপ্টেম্বর/২০২১ পর্যন্ত গ্যাস উৎপাদন সঠিক রয়েছে এবং এ ধারা অব্যাহত থাকলে এ সূচক দুটির বিপরীতে নির্ধারিত লক্ষ্যমাত্রা অর্জন করা সম্ভব হবে। উপসচিব (প্রশাসন-২) বলেন যে, ২০২১-২২ অর্থবছরের বার্ষিক কর্মসম্পাদন চুক্তির মনিটরিং কার্যক্রম সুষ্ঠুভাবে সম্পাদনের লক্ষ্যে সাতটি মনিটরিং কমিটি গঠন করা হয়েছে। উক্ত ৭টি মনিটরিং কমিটির মধ্যে ৪টি মনিটরিং কমিটির আগস্ট ও সেপ্টেম্বর মাসের প্রতিবেদন পাওয়া গেছে। বর্তমানে করোনা পরিস্থিতি স্বাভাবিক থাকায় সরেজমিনে পরিদর্শন করে সচিত্র মনিটরিং প্রতিবেদন প্রস্তুতের বিষয়ে সভাপতি গুরুত্বারোপ করেন।

২.২। বিসিএমসিএল এর প্রতিনিধি সভায় অবহিত করেন যে, সেপ্টেম্বর/২০২১ পর্যন্ত ৬৬ হাজার মেট্রিক টন কয়লা উৎপাদিত হয়েছে। কয়লা খনিতে কর্মরত চাইনিজ নাগরিকগণের অধিকাংশ কোভিড-১৯ এ আক্রান্ত হওয়ায় কয়লা উৎপাদন তুলনামূলকভাবে কিছুটা কম হয়েছে। গত ১৫ অক্টোবর ২০২১ তারিখ হতে পুনরায় কয়লা আহরণ কার্যক্রম চালু হয়েছে এবং নির্ধারিত লক্ষ্যমাত্রা অর্জন করা সম্ভব হবে মর্মে তিনি আশাবাদ ব্যক্ত করেন। পেট্রোলিয়াম প্রোডাক্টস, এলএনজি আমদানি, পরিশোধিত ও অপরিিশোধিত তেল আমদানি, পেট্রোলিয়াম পণ্য বিপণন লক্ষ্যমাত্রা অনুযায়ী ১ম কোয়ার্টারে সন্তোষজনক রয়েছে মর্মে সভায় পর্যালোচনা করা হয়। বাপেক্সের প্রতিনিধি জানান যে, আগামী নভেম্বর/২০২১ এর শেষের দিকে ২-ডি সিসমিক জরিপের মাঠ পর্যায়ের কার্যক্রম শুরু হবে এবং নির্ধারিত সময়ের মধ্যে লক্ষ্যমাত্রা অর্জন করা সম্ভব হবে। জিএসবির প্রতিনিধি জানান যে, ভূতাত্ত্বিক ও ভূপ্রাকৃতিক মানচিত্রায়ন কার্যক্রম আগামী নভেম্বর/২০২১ মাস হতে শুরু হবে। সভায় জানানো হয় যে, কঠিন শিলা বিপণন লক্ষ্যমাত্রা অনুযায়ী ১ম কোয়ার্টারের অর্জন সঠিক রয়েছে। পেট্রোবাংলার পরিচালক (পারিকল্পনা) জানান যে, গ্যাস সেক্টরে অটোমেশন সংক্রান্ত কার্যক্রম চলমান রয়েছে এবং পুরো কাজটি সম্পন্ন হতে এ বছর সময় প্রয়োজন হবে। পেট্রোবাংলার প্রতিনিধি অবহিত করেন যে, বেসরকারি বিনিয়োগে স্থলভিত্তিক এলএনজি টার্মিনাল নির্মাণের লক্ষ্যে ফিজিবিলিটি স্টাডি সম্পাদন নির্ধারিত সময়ের মধ্যে করা সম্ভব হবে।

২.৩। বেজা/এসইজেড শিল্পাঞ্চলের গ্যাস সংযোগের আবেদন নির্ধারিত সময়ের মধ্যে নিষ্পত্তিতে প্রয়োজনীয় কার্যক্রম গ্রহণের বিষয়ে সভাপতি নির্দেশনা প্রদান করেন। বিস্ফোরক পরিদপ্তরের প্রতিনিধি জানান যে, ১ম কোয়ার্টারে ৩২৪টি বিস্ফোরক লাইসেন্স মঞ্জুর করা হয়েছে এবং বেজা/এসইজেড শিল্পাঞ্চলের শিল্পে বিস্ফোরক লাইসেন্সের ১০টি আবেদন ২১দিনে নিষ্পত্তি করা হয়েছে। পেট্রোবাংলার প্রতিনিধি জানান যে, এলএনজি ভর্তুকি নীতিমালার খসড়া প্রণয়নের কার্যক্রম চলমান রয়েছে এবং শীঘ্রই জ্বালানি ও খনিজ সম্পদ বিভাগে প্রেরণ করা হবে। ইআরএল এর প্রতিনিধি জানান যে, গভীর সাগর থেকে পাইপলাইনে আমদানিকৃত তেল খালাসের নিমিত্ত পাইপলাইন নির্মাণ কার্যক্রম ইতোমধ্যে শুরু হয়েছে এবং নির্ধারিত সময়ের মধ্যে লক্ষ্যমাত্রা অর্জন করা সম্ভব হবে। আবশ্যিক কৌশলগত উদ্দেশ্যের কর্মপরিকল্পনাসমূহ যথাযথভাবে বাস্তবায়নের জন্য সভায় নির্দেশনা প্রদান করা হয়।

অপর পৃষ্ঠায় দৃষ্টব্য

Abas

N

৩। সভায় বিস্তারিত আলোচনা ও পর্যালোচনা শেষে নিম্নরূপ সিদ্ধান্ত গৃহীত হয়:

ক্রমিক	সিদ্ধান্ত	বাস্তবায়নকারী
৩.১	যে সকল মনিটরিং কমিটি অদ্যাবধি মনিটরিং প্রতিবেদন দাখিল করেনি তাদেরকে দ্রুত মনিটরিং প্রতিবেদন দাখিল করতে হবে।	এপিএ টিম/সংশ্লিষ্ট কমিটি
৩.২	তেল/গ্যাসের উন্নয়ন/ওয়ার্কওভার ও অনুসন্ধান কূপ খননের লক্ষ্যমাত্রা অর্জনের নিমিত্ত প্রয়োজনীয় কার্যক্রম ত্বরান্বিত করতে হবে।	উন্নয়ন অনুবিভাগ/ পেট্রোবাংলা/বাপেক্স
৩.৩	বেজা/এসইজেড শিল্পাঞ্চলের গ্যাস সংযোগের আবেদন নির্ধারিত সময়ের মধ্যে নিষ্পত্তিতে প্রয়োজনীয় কার্যক্রম গ্রহণ করতে হবে।	পেট্রোবাংলা/ডিস্ট্রিবিউশন কোম্পানি
৩.৪	এলএনজি ভর্তুকি নীতিমালার খসড়া দ্রুত এ বিভাগে প্রেরণ করতে হবে।	পেট্রোবাংলা
৩.৫	২০২১-২২ অর্থবছরের আবশ্যিক কৌশলগত উদ্দেশ্যের কর্মপরিকল্পনাসমূহ যথাযথভাবে বাস্তবায়নপূর্বক অগ্রগতি নির্ধারিত সময়ের মধ্যে এ বিভাগে প্রেরণ করতে হবে।	এপিএ টিম/দপ্তর/সংস্থা/ কোম্পানি

৪। সভায় আর কোন আলোচ্য বিষয় না থাকায় উপস্থিত সকলকে ধন্যবাদ জানিয়ে সভার সমাপ্তি ঘোষণা করা হয়।



(মোঃ আজিজুল ইসলাম)  
অতিরিক্ত সচিব (প্রশাসন)

ও

এপিএ টিম লিডার  
জ্বালানি ও খনিজ সম্পদ বিভাগ